



GEREJA KRISTUS LIKAS

Mengenal dan Memperkenalkan Kristus

Bisyp Diosis: The Rt. Rev. Datuk Melter Jiki Tais

Suffragan Bisyp: The Rt. Rev. Kenneth Thien Su Yin

Rektor: Ven. (E) Moses Chin



Hubung

P.O. Box 18510, Pejabat Pos Besar Kota Kinabalu,
88670 Kota Kinabalu, Sabah

Pejabat: 088-426312, 213220 | Mudah alih: 019-6611558

<http://christchurchlikas.org/> | cclikas@gmail.com

Paskah 6 - 10 Mei 2026

Doa Hari Ini

Allah Mahakuasa dan kekal, Engkau senantiasa bersedia untuk mendengar doa kami lebih daripada kami berdoa dan memberi lebih daripada apa yang kami ingin atau layak menerima; curahkanlah kepada kami kelimpahan rahmat-Mu, ampuni kami daripada hal-hal yang menakutkan hati nurani kami, dan berilah kami hal-hal yang baik yang kami tidak layak meminta kecuali melalui kebaikan dan pekerjaan pendamaian Yesus Kristus Anak-Mu Tuhan kami. Amin

Injil - Lukas 2:41-52

Bacaan Responsif - Mazmur 139:7-18

Lukas 2:51 - Ibu-Nya pun menyimpan semua hal itu
DI DALAM HATINYA
“Yesus yang bangkit, berkatilah semua ibu.”

Kebaktian BM disiarkan secara langsung, 11:30 pagi.:

- YouTube: <https://www.youtube.com/@christchurchlikas/streams>

Selamat datang ke pertemuan jemaat Tuhan. Marilah kita bersama-sama menghadap Tuhan Yesus yang telah bangkit, dan saling menguatkan untuk hidup setia dan mentaati-Nya.

1. SELAMAT HARI IBU

kami mengucapkan Selamat Hari Ibu yang penuh sukacita dan berkat kepada semua ibu. Kita mengucap syukur kepada Tuhan untuk setiap ibu; termasuk mereka yang telah kembali kepada Tuhan. Kita juga berdoa bagi ibu-ibu yang masih bersama kita, agar Tuhan mengurniakan mereka kesihatan yang baik untuk terus mengalami kasih karunia-Nya. Berdoa juga bagi mereka yang memerlukan kasih dan perhatian khusus — para balu, ibu tunggal, mereka yang kurang upaya, dan menghadapi masalah kesihatan. Kiranya Tuhan memberkati semua ibu kita.

Pertandingan Memasak petang ini di Pavilion, jam 4:00 petang. Semua dijemput hadir untuk menyaksikan dan menikmatinya.

2. TERUSKAN BERDOA

Persekutuan Doa ADOS-W esok malam, 11 Mei, jam 8:00 malam:

- CHI - Gereja Anglikan Heritage
- ENG - Gereja Kristus, Likas
- BM - Gereja Anglikan Kristus Bangkit, Inanam

3. HARI KENAIKAN

Khamis ini, 14 Mei, ialah Hari Kenaikan — Peristiwa penting dalam kalendar Kristian untuk memperingati kenaikan Yesus kembali kepada Bapa. Kini Dia memerintah sebagai Raja dan terus menjadi pengantara bagi umat-Nya (Ibrani 7:25).

4. PELAYANAN ARK

- 14 Mei (Khamis) ini, jam 10:00 pagi, gereja kita akan melawat ARK. Program akan merangkumi permainan ringan, nyanyian, persembahan daripada kumpulan sel Sinar, perkongsian Firman, dan sebagainya. Anda dialu-alukan untuk turut serta dan memeriahkan suasana. Berkumpul di ARK.
- Jagaan Harian telah bermula. Isnin–Jumaat; 8:00 pagi–5:00 petang. Menyediakan 3 waktu makan, aktiviti individu dan berkumpulan, nyanyian, fisioterapi, serta mandian. Dikendalikan oleh staf yang terlatih dan berdedikasi untuk menjaga warga emas kita. Untuk maklumat lanjut, hubungi: 016-818 9013.

5. BAZAR MISI - 17 Mei

Bazar Misi akan kembali lagi pada hari Ahad depan! Sila bawa barangan terpakai yang masih elok, ke pejabat gereja sepanjang minggu ini — seperti peralatan dapur, alatan berkebun, buku, perabot kecil, tumbuhan, mainan dan sebagainya. Kami terima barangan baharu atau terpakai, asalkan masih boleh digunakan. Semua hasil jualan akan disalurkan kepada Tabung Kebajikan & Misi. Tahun lalu, kira-kira RM10,000

telah berjaya dikumpulkan.

6. **KESYUKURAN PENUAIAN - 24 Mei**

Satu perayaan kesyukuran atas kebaikan Tuhan dalam menyediakan kita makanan, keluarga, gereja, dan budaya. Acara ini sentiasa menjadi antara program yang digemari di Christ Church. Maklumat lanjut akan menyusul.

7. **KONFERENSI gen-BREAK**

Konferensi ini merupakan perhimpunan pelbagai generasi untuk seluruh keluarga gereja, yang menghimpunkan pelbagai jemaah di seluruh ADOS-W.



- **CHI & ENG - 30 Mei-2 Jun; di Katedral All Saints.** Konferensi ini terbuka untuk muda-mudi, belia, dan dewasa. Pelbagai topik yang berkaitan dengan pertumbuhan pemuridan ditawarkan. Sila daftar. Boleh rujuk: <https://genbreak.life/>.
- **BM - 1-3 Jun; di Gereja St. Margaret Keningau.** Lebih 700 anak muda telah mendaftar, termasuk kira-kira 90 orang dari gereja kita. Marilah kita berdoa agar karya Roh Kudus yang besar berlaku dalam kehidupan mereka.

8. **'EXTRA RM100' - untuk misi Thailand**

Kita berhasrat untuk mengumpul RM10,000 bagi Rangsit Anglican Church (RAC) yang sangat memerlukan sebuah kenderaan untuk pelayanan mereka. Kos adalah RM80,000. Kita digalakkan untuk memberi sumbangan sebanyak 'RM100'. Responlah dengan kemurahan hati. Sumbangan boleh dibuat secara tunai (menggunakan sampul) atau dalam talian, spesifik "RAC Van". Namun demikian, sekiranya anda ingin memberi lebih daripada jumlah yang dicadangkan, anda amat dialu-alukan untuk berbuat demikian.

9. **PELAYANAN LAINNYA**

- Setiap Ahad petang, **sukan & permainan** tersedia: pickleball, bola keranjang, bola sepak dan bola tampar. Bawa rakan-rakan anda.
- **Gubahan bunga** hari ini disumbangkan oleh Janet Kong.

10. **TAHNAH**

Selamat bergelar bapa dan ibu, kepada Brandon & Venus Wong atas kelahiran anak pertama mereka, Isabel Wong, pada 5 Mei 2026. Ibu dan bayi berada dalam keadaan sihat. Bapa sedikit keletihan, manakala datuk dan nenek penuh rasa bangga. Segala puji bagi Tuhan.

UNTUK PEMBERIAN DALAM TALIAN

RHB Bank | 2-10103-0001913-1

Christ Church Likas

Boost: <https://myboost.app.link/FPvG94VIT4>



'YANG KUKEHENDAKI IALAH MENGENAL KRISTUS'

- Filipi 3:10

Bacaan Alkitab minggu ini	Is, Mei 11	1 Tim 3	Mz 119:129-144	Jum, Mei 15	2 Tim 1	Mz 121
	Sel, Mei 12	1 Tim 4	Mz 119:145-160	Sab, Mei 16	2 Tim 2	Mz 122
	Rab, Mei 13	1 Tim 5	Mz 119:161-176	Ahd, Mei 17	2 Tim 3	Mz 123
	Kha, Mei 14	1 Tim 6	Mz 120			

'DI DALAM HATINYA' - Yoh 21:15-22 - Untuk Renungan & Perbincangan :

- Kongsikan satu kenangan indah bersama ibu anda.
- Ketika berumur dua belas tahun, Yesus tidak ikut pulang, tetapi tetap berada di Bait Suci untuk mendengar dan mengemukakan pertanyaan (ay. 42, 46). Melalui peristiwa ini, apakah yang dapat kita lihat tentang kerinduan Yesus terhadap Firman Allah? Bagaimanakah kita dapat menolong anak-anak untuk mengasihi Firman Tuhan?
- Maria dan Yusuf sukar memahami sepenuhnya identiti serta misi Yesus (ay. 48-50). Namun, pengertian mereka semakin bertumbuh dari waktu ke waktu. Bagaimanakah kita dapat menolong anak-anak kita semakin mengenal Allah dan mengalami-Nya sepanjang hidup mereka?
- Baca Lukas 2:52. Bagaimanakah kita dapat menolong anak-anak bertumbuh secara seimbang secara fizikal, akademik, rohani, dan sosial? Kongsikan pengalaman yang membanggakan, atau mengecewakan.
- Ingatlah seorang ibu yang memerlukan perhatian khusus minggu ini; yang kesunyian, kelelahan, atau sedang melalui pergumulan hidup. Bagaimana anda dapat menunjukkan kasih Kristus kepadanya? Mintalah Tuhan memimpin anda untuk menghulurkan kasih itu.

UNTUK DIDOAKAN

Ibu yang Kita Kasih

- Mengucap syukur untuk semua ibu kita, termasuk mereka yang telah kembali kepada Tuhan; dan berdoa agar setiap ibu dikurniakan kesihatan, kekuatan dan sukacita bersama keluarga. Doakan juga mereka yang setia menjaga ibu yang semakin lanjut usia.

Keluarga yang Kita Kasih

- Mengucap syukur untuk kehidupan berkeluarga; dan berdoa agar hubungan dalam keluarga sentiasa sihat dan harmonis. Berdoa bagi keluarga yang memerlukan pemulihan dan pendamaian.

Diri sendiri

- Berdoa agar kita semakin menghargai dan mengasihi satu sama lain.
- Doakan untuk mereka yang dalam keperluan khusus, baik minda atau rohani; dan untuk 5 sahabat kita. Namakan mereka dalam doa anda.